


Minister Hooyboer-Winklaar: Dos decada cu e fecha aki ta worde celebra oficialmente

Actividad Protocolar riba Dia di Betico lo cuminsa 5'or cu un ceremonia oficial



agrupacion folklorico como un show di limbo, Robert Maduro a agrega. Despues di e ceremonia cultural, lo tin presentacion di e ganadornan di Caiso y Soca Monarch hunto cu e agrupacion Le Groove. Nan lo entretene e publico presente ariba Plaza.

For di atardi lo tin diferente tent cu benta di bebida y cuminda crioyo como di artesanía di nos artistanan local. "Un y tur ta keda invita pa bin riba Plaza Betico Diabierna awor for di 5'or di atardi. Mi kier invita tur hende pa den e barionan caminda tin diferente celebracion andando den diferente distrito. Ta invita un y tur pa ta presente y duna un aporte na un gran dia, un gran persona, un gran estadista, semper den memoria Sr. Betico Croes", Robert Maduro a declara.



ORANJESTAD (AAN): Minister di Asuntonan Economico, Social y Cultura, Señora Michelle Hooyboer-Winklaar a duna di conoce cu recientemente nan a haci un investigacion relaciona cu e fecha oficial cu Dia di Betico ta worde recorda como un dia nacional.

A indica cu e aña aki ta celebrando 20 aña cu e fecha cu a worde proclama via ley como Dia di Betico. Ta paipiendo di e fecha 25 di Januari 1993.

Esaki ta un motibo hopi importante pa comunidad uni y bin hunto na Plaza Betico Croes y bishita cualkier otro actividad pa asina duna honor na e fecha aki, el a agrega.

Ta dos decada cu e fecha aki ta worde celebra oficialmente, pero prome cu esey tabata tin diferente celebracion, pero esaki ta e fecha cu a ser proclama via ley, e mandatario a reitera.

Sr. Robert Maduro, Presidente di e Comision Celebracion Dianan Nacional, a duna di conoce cu esaki ta di 20 aña cu ta celebra oficialmente e dia grandi aki cu ta e Dia di Betico, recordando un gran estadista.

"No tin palabra pa bisa ken ta Betico. Tur hende conoce Betico. Betico tabata un homber di pueblo, un homber di cultura y esey lo keda reflega tambe den e celebracion aki", Sr. Maduro a expresa.

Sr. Maduro a splica cu e actividad riba Plaza Betico lo cuminsa pa 5'or di atardi

esaki pa e motibo cu den dia lo tin diferente actividad y no kier pa stroba e famia di por asisti na e ceremonianan den oranan di atardi pa anochi.

Aña pasa a introduci pa cuminsa cu e actonon protocolario 5'or di atardi dunando asina espacio suficiente na e famia di Betico y su fundacionnan pa atende nan programa y cuminsa cu e actividadnan oficial di Gobierno pa 5'or ariba Plaza Betico, el a indica.

Akinan lo tin un programa di ponemento di kranen haci door di parlamento di Aruba, Gobierno, famia di Betico y fundacion Betico Croes. Lo tin interpretacion di musica door di un rondalla, cu lo ofrece un bunita presentacion.

Despues di e parti oficial cu lo duna mas o menos un ora, lo bay over na e parti cultural. "Betico semper a aprecia su musica folklorico y loke ta declamacionnan di poesia. E tabata involvi den tur e aspectonan di expresionnan cultural aki na Aruba y esey ta un muestra di loke e programa tin hinca den otro".

Lo cuminsa e anochi cu un discurso di Minister di Cultura, Señora Michelle Hooyboer-Winklaar, a bisa, sigui pa yiu di Betico Señora Guisette Croes. Despues lo tin presentacion di baile y declamacion di poesia. Lo tin ganadornan di nos festivalnan cultural manera tumberito, calypso y roadmarch hubenil y infantil, entre otro, a laga sa.

Lo tin tambe diferente